

ხაშურის მუნიციპალიტეტის სატენდერო კომისიის სხდომის

ოქმი №1

ქ. ხაშური

20 ივლისი 2021 წელი

სხდომას უძღვებოდა: სატენდერო კომისიის თავმჯდომარე ზვიად ქურდაძე,  
ხაშურის მუნიციპალიტეტის მერის მოვალეობის შემსრულებელი

სხდომას ესწრებოდნენ: სატენდერო კომისიის წევრები:

- ა) დავით კიკნაძე – ხაშურის მუნიციპალიტეტის მერიის პირველადი სტრუქტურული ერთეულის ადმინისტრაციული სამსახურის ხელმძღვანელი/ სატენდერო კომისიის თავმჯდომარის მოადგილე;
- ბ) დავით ღვალაძე – ხაშურის მუნიციპალიტეტის მერიის პირველადი სტრუქტურული ერთეულის იურიდიული უზრუნველყოფის სამსახურის ხელმძღვანელი;
- ე) თინათინ ხაჩიძე – ხაშურის მუნიციპალიტეტის მერიის ადმინისტრაციული სამსახურის შესყიდვებისა და მატერიალურ-ტექნიკური უზრუნველყოფის განყოფილების ხელმძღვანელის ფუნქციების განმახორციელებელი პირი

სატენდერო კომისიის აპარატის წევრები:

- ა) ნუნუ გოცირიძე - ხაშურის მუნიციპალიტეტის მერიის ადმინისტრაციული სამსახურის შესყიდვებისა და მატერიალურ-ტექნიკური უზრუნველყოფის განყოფილების მესამე რანგის მეორე კატეგორიის უფროსი სპეციალისტი;

სხდომას არ ესწრებოდა:

- ა) მარი მახაჭაშვილი – ხაშურის მუნიციპალიტეტის მერიის საბიუჯეტო სამსახურის ხელმძღვანელის მოვალეობის შემსრულებელი / სატენდერო კომისიის წევრი.
- ბ) სერგო ლალიაშვილი – ხაშურის მუნიციპალიტეტის მერიის პირველადი სტრუქტურული ერთეულის ეკონომიკური განვითარების სამსახურის ხელმძღვანელი/ სატენდერო კომისიის წევრი;
- გ) ეთერ ხვედელიძე - ხაშურის მუნიციპალიტეტის მერიის იურიდიული უზრუნველყოფის სამსახურის მესამე რანგის მეორე კატეგორიის უფროსი სპეციალისტი/ სატენდერო კომისიის აპარატის წევრი.

დღის წესრიგი:

„ხაშურის მუნიციპალიტეტის ტერიტორიაზე სოციალურად დაუცველი მოსახლეობისათვის სამშენებლო მასალების შესყიდვის“ მიზნით ელექტრონული ტენდერი აუქციონის გარეშე (NAT) ჩასატარებლად ელექტრონულად შევსებული სატენდერო პირობების განხილვა-დამტკიცება.

გ ა ნ ხ ი ლ ე ს:

სატენდერო კომისიის აპარატის წევრმა ნუნუ გოცირიძემ სატენდერო კომისიას გააცნო ინფორმაცია დღის წესრიგის საკითხთან დაკავშირებით. აღნიშნა, რომ ზემოთ აღნიშნული შესყიდვისთვის მოძიებული გვაქვს ზაზრის კვლევები შემდეგ თანხებზე: ინვოისი 1 \_ 22 861.97 ლარზე, დღგ-ს გათვალისწინებით; ინვოისი 2 \_ 23 379.61 ლარზე დღგ-ს გათვალისწინებით; ინვოისი 3 \_ 23 609.46 ლარზე, დღგ-ს გათვალისწინებით. შესაბამისად, შესყიდვის განხორციელება გათვალისწინებულია დღგ-ს გარეშე 19 374.55 ლარზე (დღგ-ს გათვალისწინებით 22 861.97 ლარი).

მან კომისიას წარუდგინა სატენდერო კომისიის აპარატის მიერ მომზადებული სისტემაში ელექტრონულად შევსებული სატენდერო პირობების პროექტი.

სატენდერო კომისიის წევრებმა მოიწონეს სატენდერო კომისიის აპარატის მიერ წარმოდგენილი დოკუმენტაცია და აღნიშნეს, რომ იგი შეესაბამება „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების – „ელექტრონული ტენდერის ჩატარების წესის დამტკიცების შესახებ“ მოთხოვნებს.

**კომისიამ დაადგინა:**

1. დამტკიცდეს „ხაშურის მუნიციპალიტეტის ტერიტორიაზე სოციალურად დაუცველი მოსახლეობისათვის სამშენებლო მასალების შესყიდვის“ მიზნით ელექტრონული ტენდერი აუქციონის გარეშე (NAT) სისტემაში ელექტრონულად შევსებული სატენდერო პირობების პროექტი.
2. სატენდერო კომისიის აპარატმა უზრუნველყოს სატენდერო დოკუმენტაციის განთავსება სახელმწიფო შესყიდვების ერთიან ელექტრონულ სისტემაში ელექტრონულად შევსებული სატენდერო პირობებით ელექტრონული ტენდერის აუქციონის გარეშე (NAT) გამოცხადება.

აღნიშნულ საკითხს სხდომაზე დამსწრე კომისიის ყველა წევრმა მხარი დაუჭირა.

კომისიის თავმჯდომარე: /ზვიად ქურდაძე/



კომისიის წევრები: /დავით კიკნაძე/



/დავით ღვალაძე/



/თინათინ ხაჩიძე/



აპარატის წევრები: /ნუნუ გოცირიძე/

